

յանցադործութիւնն դատարանով միայն կարող է քննուել ու պատժուել:

Միաժամանակ ամենաընդարձակ լիազօրութիւն է տրուում դատարանին՝ տուգանելու, ծեծելու, անգամ մահուան պատիժ կարգալու յանցադործ զինուորին կամ զինուորականին: Իայց չբաւականանալով դրանով, հեղինակը յատուկ օրէնքներով ճշգրտէն սահմանում է նաեւ այն բոլոր դէպքերը, երբ մահապատիժը կարող է դործադրուել: Ուրիշ խօսքով՝ դատաւորների հայեցողութեան համար եւս որեւէ տեղ չի թողնում նա:

Թուենք այդ դէպքերից մի քանիսը. —

1. Երբ զինուորը կամ զինուորականը, պատերազմի ժամանակ, կ'անցնի թշնամուկողմը եւ յետոյ կը բռնուի: Սակայն այդ դէպքում էլ, խմբով լինելու պարագային, մահուան պատժի ենթարկուում են միմիայն պարզուկները, իսկ միւսները ծեծ են ուտում եւ արձակուում (նձք):

2. Երբ զինուորը կամ զինուորականը անձեղ դերի կը սպաննի (նձք):

3. Երբ զինուորը կամ զինուորականը կը յանդգնի դէմ կենալ Ազգ. Ժողովի հրամանին (նձգ):

Միայն մի դէպքում կարծէք մահապատիժը տրուում է առանց դատարանի, վարչական կարգով եւ անմիջապէս. այն է՝ երբ պատերազմական ժամանակ եւ կռուի միջոցին զինուորը կամ զինուորականը ձեռք կը բարձրացնի իր մեծի վրայ:

Լաւ գիտակցելով զինուորութեան կարեւոր դերը երկրի պաշտպանութեան եւ ոյժի խնդրում, Շահամիրեանը աշխատում է զինուորի պաշտօնը ընդհանրապէս դրաւիչ դարձրնել, մանաւանդ որ նրա ծառայութիւնը պարտադիր չէ, այլ ինքնակամ: Այդ նպատակով է անշուշտ, որ նա օրինականացնում է մարդկային հնազոյն պատմութեան մէջ կիրառուող պատերազմական սովորութիւններից մէկը՝ աւարի բաշխման սկզբունքը: Թշնամուց խլած ոսկին, արծաթը, ձին, անասունները, ցորենը, դարին, իւղը, ամէն ինչը պէտք է վաճառել հրապարակային աճուրդով եւ գոյացած դրամը բաժանել զօրքին — սկսած հանրապ. նախագահից մինչեւ յետին զինուորը, տալով

իւրաքանչիւրին իր համար օրէնքով սահմանուած տոկոսը (յժա):

Դեռ աւելին. նոյն այդ նպատակով նա զօրքին իրաւունք եւ ազատութիւն է տալիս ամէն ինչ անելու թշնամուց ուժով խլուած քաղաքներում ու բերդերում, մի որոշ ժամանակով: «Չամենայն դոր ինչ խայտառակութիւն ի զինուորաց մերոց ի վերայ թշնամեաց, բնակողաց անտի( ախինքն՝ ուժով խլուած քաղաքում կամ բերդում) մի՛ մտցի ի դատաստան» — ասում է օրէնքը (նղա):

Նոյն այդ օրէնքով պիտի բացատրել նաեւ այն, որ պատերազմում սպաննուած զինուորի կինը կամ ժառանգները ստանում են աւարից զինուորի բաժինը, միւսներին հաւասար (յժբ) կամ՝ զինուորի կինը, ամուսնու սպաննուելուց յետոյ, ստանում է նրա ոռճիկի 1/3-ը, մինչեւ իր մահը. միմիայն կրկին ամուսնութեան դէպքում դանձրանք ազատուում է այդ պարտաւորութիւնից (յժգ):

Պարսկաստանի, ինչպէս նաեւ եւրոպական երկրների, յատկապէս Անգլիայի, զինուորական օրէնքների ու կարգապահութեան ազդեցութիւնը անժխտելի է Շահամիրեանի վերայ: Այսպէս, Շահամիրեանի զօրահաւաքութեան ամբողջ եղանակը նոյնն է, ինչ որ մինչեւ վերջին ժամանակները կիրառուում էր Պարսկաստանում: Կամ այն օրէնքը (նղդ), որի համաձայն, տասնապետից սկսած մինչեւ հանր. նախագահը, ինքն է պաշտպանում իր պատիւը եւ պատժում իրեն վիրաւորանք հասցնողին — այդ օրէնքը մի շատ սովորական երեւոյթ է եւրոպական բոլոր երկրների զինուորական կեանքում:

ՊԵՏՈՒԹԵԱՆ ԵԼԵԻՄՈՒՏՔԸ

Պետութիւնը չի կարող գոյութիւն ունենալ առանց բիւզջէի: Ուստի մեր հեղինակը փորձում է սահմանել ապագայ Հայաստանի բոլոր մուտքերն ու ելքերը, մինչեւ իսկ կազմելով պետական բիւզջէի նմոյշ-նախահաշիւը:

Մի յատուկ օրէնքով ամենի առաջ վերացնում է գլխահարկը, որ արեւելեան երկրներում պետական եկամտի մի խոշոր յօդուած է կազմում: Նա վերացնում է այն նկատուում